

Republika e Kosovës

Kuvendi i Komunës-Vushtrri

Bazuar në nenin 61.1 të Ligjit Nr.03/L-048 Për Menaxhimin e Financave Publike dhe Përgjegjësit, Ligjit Nr.07/L-41 Mbi Ndarjet Buxhetore për Buxhetin e Republikës së Kosovës për vitin 2021, si dhe në bazë të nenit 41, paragrafi 2 pika "ç" të Statutit të Komunës, Kuvendi i Komunës së Vushtrrias në mbledhjen e mbajtur më **29 prill 2021** merr këtë:

VENDIM

PËR TRANSFERIMIN E MJETEVE NGA KATEGORIA E SHPENZIMEVE REZERVË NË KATEGORINË E SHPENZIMEVE KAPITALE

1. Me këtë vendim bëhet ndryshimi dhe plotësimi i vendimit të kuvendit me numër të protokollit Nr.66/21 i datës 25.03.2021 për Specifikimi i Projekteve Kapitale, ashtu që bëhet transferimi i mjeteve nga kategoria e shpenzimeve rezervë në kategorinë e shpenzimeve kapitale si në vijim:

1.1. Infrastruktura Publike(18184) projekti:

1.1.1. "Rindertimi i rrugëve me infrastrukturë"

1.1.2. Fondi 10 shuma 100,000.00 €

1.1.3. Fondi 21 shuma 30,000.00 €

2. Bujqësi (47024):

2.1. "Ndërtimi i kanaleve kulluese në Lummadh dhe Dumnicë e Ulët"

2.1.1. Fondi 10 shuma 30,000.00 €

2.1.2. Fondi 21 shuma 21,000.00 €

2.2. Rregullimi i shtratit të lumenjve në Studime, Maxhunaj dhe Dumnicë e Mesme"

2.1.1. Fondi 10 shuma 60,000.00 €

2.1.2. Fondi 21 shuma 23,000.00 €

3. Shërbimet e Shëndetësisë Primare:

3.1. "Vendosja e rrethojave në QKMF Vushtrri"

3.1.1. Fondi 10 shuma 30,000.00 €


4. Për zbatimin e këtij vendimi obligohet: Drejtoria për Buxhet dhe Financa dhe drejtorit tjera kompetente komunale.

5. Ky vendim hynë në fuqi pesëmbëdhjetën (15) ditë pas protokollimi në Ministrinë e Administrimit të Pushtetit Lokal si dhe shtatë (7) ditë pas publikimit në faqen zyrtare të Komunës së Vushtrrisë.

Nasuf Aliu

Kryesuesi i Kuvendit





Republika e Kosovës

Kuvendi i Komunës -Vushtrri

Bazuar në nenin 12, paragrafi 2, shkronja “d” të Ligjit për Vetëqeverisjen Lokale Nr.03/L-040, nenin 41, paragrafi 2 shkronja “ç” të Statutit të Komunës, nenit 11 të Rregullores (KKV) Nr. 01/2018 për Përcaktimin e Kritereve të Ndarjes së Mjeteve Financiare nga Fondi për Transfere dhe Subvencione Personave Juridikë – OJQ dhe Ndihmë Momentale Personave Fizikë, Kuvendi i Komunës së Vushtrrisë në mbledhjen e mbajtur më **29 prill 2021**, merr këtë:

**VENDIM
PËR PÛRKRAHJE FINANCIARE TË FAMILJEVE TË PREKURA NGA
PANDEMIA COVID-19**

1. Me këtë vendim ofrohet përkrahja financiare për familjet e prekura nga pandemia Covid-19 për familjet që kanë pasur rastet të vdekjes së anëtarëve të tyre, për familjet anëtares e të cilave kanë pasur gjendje të rënd shëndetësore (që kanë qenë të hospitalizuar), si dhe për familjet përfituese të asistencës sociale, në shumë financiare njëqind euro (100 €).
2. Përfituesit e këtyre mjeteve financiare, mund të aplikojnë përmes formave online, apo në formë fizike në Komunën e Vushtrrisë konform dispozitave ligjore të përcaktuar me Rregulloren (KKV) Nr. 01/2018 për Përcaktimin e Kritereve të Ndarjes së Mjeteve Financiare nga Fondi për Transfere dhe Subvencione Personave Juridikë – OJQ dhe Ndihmë Momentale Personave Fizikë.
3. Mjetet financiare të cekura në pikën 1 të këtij vendimi do të sigurohen nga kategoria e subvencioneve në Drejtorinë për Buxhet dhe Financa si dhe Drejtorinë për Shëndetësi dhe Mirëqenie Sociale.
4. Për zbatimin e këtij vendimi obligohen: Drejtoria për Buxhet dhe Financa si dhe Drejtoria për Shëndetësi dhe Mirëqenie Sociale.
5. Ky vendim do të ketë efekt retroaktiv nga data zyrtare e fillimit të pandemisë Covid-19, në Komunën e Vushtrrisë, ndërsa përfitues do të jenë vetëm personat që gjenden në listën zyrtare të Institutit Kombëtar të Shëndetit Publik, që kanë rezultuar si të infektuar me coronavirus e njohur si Covid-19, të cilët i janë nënshtruar testit PCR.
6. Me hyrjen në fuqi të këtij vendimi shfuqizohet vendimi i Kuvendit të Komunës së Vushtrrisë me numër të protokollit 01.Nr.258/20 i datës 07.12.2020 që ka rregulluar të njëjtën çështje.
7. Ky vendim hyn në fuqi pesëmbëdhjetë (15) ditë pas regjistrimit në Zyrën e Protokollit të Ministrisë për Administrimin e Pushtetit Lokal, si dhe shtatë (7) ditë pas publikimit në faqen zyrtare të Komunës së Vushtrrisë.


Nasuf Aliu
Kryesues i Kuvendit



REPUBLICA E KOSOVËS - REPUBLIKA KOSOVO
KOMUNA E VUSHTRISË - OPŠTINA VUÇITRA

01 Nr. / Br 100/21

Nr. i fq. / Br. st - 1 -

Data / Datum 29.04.2021

VUÇITRAI - VUÇITRA



Republika e Kosovës

Kuvendi i Komunës - Vushtrri

Bazuar në nenin 12, paragrafi 2 të Ligjit Nr.03/L-40 për Vetëqeverisjen Lokale, nenit 40 pika "dh", dhe "g" të Statutit të Komunës së Vushtrrisë, Kuvendi i Komunës së Vushtrrisë në mbledhjen e mbajtur më **29 prill 2021** merr këtë:

**VENDIM
PËR LIRIMIN NGA PAGESA E TAKSAVE DHE QIRASË KOMUNALE PËR
PRONAT E DHËNA NË SHFRYTËZIM DHE SHFRYTËZIMIN E HAPËSIRAVE
PUBLIKE**

1. Me këtë vendim lirohen nga pagesa e taksave dhe qirasë komunale të gjithë shfrytëzuesit e pronave komunale të dhëna në shfrytëzim dhe hapësirave publike në Komunën e Vushtrrisë.
2. Lirimi nga pagesat e taksave dhe qirasë komunale për pronat e dhëna në shfrytëzim dhe shfrytëzim të hapësirave publike në Komunën e Vushtrrisë do të zgjasë nga data 1 janar deri më 31 dhjetor 2021.
3. Për zbatimin e këtij vendimi obligohen: Drejtoria për Gjeodezi, Kadastër dhe Pronë si dhe Drejtoria për Urbanizëm dhe Mbrojtje të Mjedisit.
4. Ky vendim hyn në fuqi shtatë (7) ditë pas publikimit në faqen zyrtare të Komunës së Vushtrrisë.



Nasuf Aliu

Kryesues i Kuvendit



REPUBLIKA E KOSOVËS - REPUBLIKA KOSOVO	
KOMUNA E VUSHTRISË-OPŠTINA VUÇITRA	
01 Nr. / Br	101 / 21
Nr. i fq. / Br. st	- 1 -
Data: / Datum	29. 04. 2021
VUSHTRRI - VUÇITRA	



Republika e Kosovës

Kuvendi i Komunës-Vushtrri

Bazuar në nenin 12, paragrafi 2 pika "d" të Ligjit Nr.03/L-40 për Vetëqeverisje Lokale, nenin 41, paragrafi 2 pika "ç" të Statutit të Komunës, Kuvendi i Komunës së Vushtrrisë në mbledhjen e mbajtur më **29 prill 2021**, merr këtë:

**VENDIM
PËR LIRIM NGA PAGESA E TAKËS PËR MBETURINA**

1. Me këtë vendim lirohen nga pagesa e taksës për ofrimin e shërbimeve të menaxhimit të mbeturinave, familjet me asistencë sociale të Komunës së Vushtrrisë.
2. Vendimi për lirimin nga obligimi i pagesës së takës për shërbimet e mbeturinave bëhet si rezultat i rëndimit të gjendje sociale të familjeve që përfitojnë nga skema sociale si pasojë e pandemisë covid-19 e njohur si corona-virus.
3. Për zbatimin e këtij vendimi obligohen: Drejtoria për Shërbime Publike dhe Drejtoria për Buxhet dhe Financa dhe Drejtoria për Shëndetësi dhe Mirëqenie Sociale.
4. Ky vendim hyn në fuqi shtatë (7) ditë pas publikimit në faqen zyrtare të Komunës së Vushtrrisë dhe fillon të prodhojë efekt juridik nga data 01 janar 2021 deri më datën 31 dhjetor 2021.



Nasuf Aliu

Kryesues i Kuvendit